



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1516141

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

26 ապրիլի 2022թ.

ք. Երևան

(կազմման վայրը)

Ակտի հասցեատեր

«ՈՒՆԻՎԵՐՍԱԼ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	1	2	1	5	3	4	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արարատի մ. ք. Մասիս, Սիսակյան փ. 18Վ 5

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 22.03.2022թ-ի թիվ 1516141 որոշման համաձայն «Ունիվերսալ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 06.04.2022թ-ին ժամը 15:10-ին, ուսումնասիրության է ենթարկվել Արարատի մ. գ. Դարբնիկի միջնամասում կայանած, Արայիկ Վարդանյանի կողմից շահագործվող «Ման» մակնիշի 441 LV 61 հաշվառման համարանիշի ավտոմեքենան: ՕՀՄ-ի ընթացքում պարզվել է, որ Արարատի մ. գ. Դարբնիկում գտնվող ընկերության ավագի հանքավայրից «Խաչար» ՍՊԸ-ին (ՀՎՀՀ՝ 00018682) իրականացվել է՝ ընդամենը 43.200 ՀՀ դրամ արժեքով 12մ³ ավագի մատակարարում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 43.200 ՀՀ դրամ արժողությամբ ապրանքների մատակարարման համար հարկ վճարողի կողմից 06.04.2022թ-ին ժամը 15:10-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև ընկերության գլխավոր հաշվապահ Գարեգին Ղարապյոզյանի կողմից 06.04.2022թ-ին տրված գրավոր հայտարարությամբ:

Թիվ 1516141 արձանագրությամբ 06.04.2022թ. հարուցվել է վարչական վարույթ: Կողմը, պատշաճ ծանուցված լինելով, 15.04.2022թ-ին ներկայացել է ընկերության լիազորված անձ՝ Գարեգին Ղարապյոզյանը: Վերջինս ներկայացրել է գրավոր բացատրություն այն

մասին, որ ՕՀՄ-ի ընթացքում արձանագրված մատակարարման վերաբերյալ փաստաթուղթ՝ Ա3935773594 հարկային հաշիվը դուրս է գրվել 15:58-ին ինտերնետային կապի խափանման պատճառով:

Վարույթ իրականացնող մարմինը հարկ է համարում նշել, որ համաձայն 2017թ. հոկտեմբերի 5-ի ՀՀ կառավարության թիվ 1257-Ն որոշմամբ սահմանված ոչ էլեկտրոնային եղանակով հաշվարկային փաստաթղթերի դուրսգրման դեպքերը սահմանող N3 հավելվածի 2-րդ մասի 2 -րդ կետի՝ կապի կամ հարկային մարմնի ծրագրային համակարգի խափանման պատճառով հաշվարկային փաստաթուղթ դուրս գրելու անհնարինության դեպքում՝ Հայաստանի Հանրապետության տարածքում ապրանքի մատակարարումը (առաքումը, տեղափոխումը) պարտադիր կարգով իրականացվում է թղթային կրիչի վրա լրացված և հարկ վճարողի կողմից վավերացված (ստորագրված և կնիքի առկայության դեպքում՝ կնքված) այլ ուղեկցող հաշվարկային փաստաթղթերով, որոնք պետք է պարունակեն օրենսգրքի 55-րդ հոդվածին համապատասխան հաշվարկային փաստաթղթերում ներառվող տվյալները՝ բացառությամբ հաշվարկային փաստաթղթի սերիայի և համարի:

Տվյալ դեպքում, կապի խափանման պատճառով հաշվարկային փաստաթուղթ դուրս գրելու անհնարինության պարագայում, ընկերությունը թղթային կրիչի վրա լրացված և հարկ վճարողի կողմից վավերացված այլ ուղեկցող հաշվարկային փաստաթուղթ չի ներկայացրել, ուստի վարչական վարույթ իրականացնող մարմինը գտնում է, որ ընկերության կողմից ներկայացված պատճառաբանությունը հաշվարկային փաստաթուղթ չունենալու վերաբերյալ չի կարող պատասխանատվությունից ազատելու հիմք հանդիսանալ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Ունիվերսալ» ՍՊԸ-ի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 23.03.2021թ. թիվ

1511399 վարչական ակտ): Ապրանքների ընդհանուր գումարը կազմում է 43.200 ՀՀ դրամ, որի 100 տոկոսը կազմում է 43.200 ՀՀ դրամ, ուստի օրենսդրական պահանջից ելնելով «Ունիվերսալ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով

Որոշեցի

1. Հաշվարկել և «ՈՒՆԻՎԵՐՍԱԼ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



Ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Ռուբեն Բաղդասարյան

Ֆիզիկական անձի անունը, ազգանունը
(անհատ ձեռնարկարկրող դեպքում՝ անհատ
ձեռնարկարկրող նշանով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հայտնի առաքման դեպքում)

ստորագրությունը

2022թ.